

四部叢刊

詩

經

集(二)

Z121/070:1 (196)

196

江南大学图书馆



91153789

四部叢刊初編集部

誠齋集

二

無錫教育學院
圖書館藏

卷二十七至卷六十一

誠齋集卷第二十七

廬陵楊

万里

廷秀

詩

朝天續集

和陸務觀見賀歸館之韻

君詩如精金人手知價重鑄作鼎及鼎所向一一
中我如駑並驥夷塗不應共難追紫蛇電徒掣青
絲鞭折膠偶投漆異榻豈同夢不知清廟茅可望
明堂棟平生憐坡老高眼薄蕭統渠若有倚那心
肯師晉宋破琴聊再行新笛正三弄因君發狂言

湖山春已動

銜命郊勞使客船過崇德縣

北關落日送船行欲到嘉興天已明睡起一河水
片滿槌瓊擬玉夢中聲

水面光浮赤玉盤也應知我牽去尖寒滿河圭璧

無人要吹入詩翁凍筆端

岸樹低欹一雪餘枝頭半葉已全無油窓過盡千
梢影濃處還濃枯處枯

讀笠澤叢書

笠澤詩名千載香一回一讀劫人腸晚唐異味同

誰賞近日詩人輕晚唐

松江縣尹送圖經中有唐詩喜不勝看到燈青仍
火冷雙眸如割脚如冰
拈着唐詩廢晚餐傍人笑我病詩癲世間尤物言
西子西子何曾直一錢

船過蘓州

垂近姑蘓特轉灣盤門只隔柳行間望來望去何
時到且倚船窓看遠山
暮風似箭復如刀落照那能暖客袍天遠地平城
更闊千尋玉塔尺來高

五更過無錫縣寄懷范參政允侍郎

蕪州欲見石湖老到得蕪州發更了錫山欲見尤
梁溪過却錫山元不知起來靈巖在何許回首惠
山亦無處又生萬事不可期快然却向常州去

午過橫林回望惠山

道是水銷快水程不知青女解藏冰蘆花多處竹
陰底砌作瑤堤不計層

雪餘官路已生塵猶喜長河水稍深恨殺惠山尋
不見忽然追我到橫林

晚過常州

常州曾作兩年住一別重來十年許
岸頭楊柳記得無總是行春繫船處
自笑恍如丁令威老懷成喜亦成悲
人民城郭依然是只有向來鬚鬢非

望多稼亭

遙望城頭多稼亭亭邊霜檜老更青
當年老守攜穉子芒鞋葵扇繞城行
臘前移梅春挿柳蹋雪衝泥不停手
柳未成陰梅未花著帽又迎新太守
後來新守復迎新到今新舊知幾人
向來手植今在否寄與此詩聊問春

晚日

日影穿波跳碎銀波光弄日走寒星一時飛入船
窓裏萬草千花變未停

貪看波日弄船窓竒觀人間不作雙忽被竹陰偷
捲去只餘一面撥醅缸

舟中追和張功父賀赴召之句

兩歲千愁寡一欣故人多問謝張君又瞻東關闕
前月只負南溪溪上雲賓日扶策遭聖且客星釣
瀨愧天文人生離合風前兼聚首亡何復離群

余
居里名
南溪

又追和功父病起寄謝之韻

霜何曾傍繡簾寒酒不能令客賒
丹勤向竹廬溫
手脚嬾尋銅鏡正衣冠無人孤坐月將落擁鼻清
吟夜向闌忽憶約齋詩債在自吹燈火起來看

曉過丹陽縣

朝來稍敢出船門霜熟依然冷逼人
刮地風來何處避可憐片篠猛回身

風從船裏出船前漲起簾幃紫拂天
點檢風來無處覓破窻一隙小於錢

朱簷碧瓦照青瀾潔館佳亭使往還
船上高橋三十尺市人倚折石欄干

雞犬漁翁共一船生涯都在藕蓬間
小兒不耐初長日自織筠籃勝打閉
水從常潤路都迷曲曲長河曲曲堤
不是兩腮供月脚更無南北與東西

練湖放閘

滿耳雷聲動地來窺窓銀浪打船開
練湖纔放一寸水跳作永河萬雪堆

水簾南舒去轉虛天簷北卸望來無相傳
一萬四千頃老眼初驚見練湖

過張王廟

地迥人煙寂山盤水勢回怪松欹岸出古廟背河
開晚色催征棹斜陽戀去旆丹徒誰道遠一眺正
悠哉

舟中晚望

河岸前頭松樹林樹林盡處見行人行人又被山
遮却風颭酒家青布巾

晚浪翻風玉作鱗夕陽捲玉蘂成金忽然濯出西
川錦製就霞衣不用針

晚風

晚日暄溫稍霽威晚風豪橫大相欺做寒做冷何

須怒來早一霜誰不知

晚風不許鑑清漪却許重簾到地垂平野無山遮
落日西窗紅到月來時

未到丹從二十里間見石翁石婆

詔許詩人江海游丹徒初到晉徐州爐邊腸谷日
長晝琅底醉鄉天不秋六代興云何處問一生奔
走幾時休石翁石媼霜前笑管得南朝陵墓愁

暮經新豐市望遠山

小市寒仍靜斜陽澹欲晡偶看平野去不是遠山
無處處遮船住家家有酒酤朱樓臨碧水曾駐玉

鑾輿

高宗親征嘗小憩於此樓至今局鑰土人云

小泊新豐市

也知小倦泊樓船何苦爭先柳岸邊
湏把碧篙搖綠淨舟人不惜水中天

曉泊丹陽館

夕凍朝還積寒曦暖未多霜輕猶著草
冰重亦浮河山盡酣餘勢潮歸殿去波
六朝遺迹在故老尚傳麼

題連滄觀呈太守張幾仲

開窓納盡大江秋天半飛樓不是樓
獨立南徐鼇

絕頂下臨北固虎回頭，赫山旧址空黃鶴。
瓜步新城照白鷗，好事主人酌詩客。
風烟一眼到揚州。

丹陽舍舟登車渡江

小泊樓船鉄甕城，匆匆又作絕江行。
看他蠟燭幾回剪，聽盡雞聲不肯明。
水底霜寒還十倍，夜來月上恰三更。
篙師好語君知否，江面侵晨鏡樣平。

過揚子江

祇有清霜凍太空，更無半點荻花風。
天開雲霧東南碧，月射波濤上下紅。
千載英雄鴻去外，六朝形勝雪晴中。
攜瓶自汲江心水，要試煎茶第一功。

天將天塹護吳天不數殺函百二關萬里銀河瀉
瓊海一雙玉塔表金山旌旗隔岸淮南近鼓角吹
霜塞北閑多謝江神風色好滄波千頃片時間

過瓜洲鎮

夜愁風浪不成眠曉渡清平却宴然數棒金鉏到
江步一櫓霜日上淮船佛狸馬死無遺骨阿亮臺
傾只野田南北休兵三十載黍疇麥隴正連天
亮辛巳南築臺望江
受誅其上土人云

皂角林

水漾霜風冷客襟苔封戰骨動人心河邊獨樹知

何木今古相傳皂角林

舟過揚子橋遠望

此日淮堧號北邊
旧時南服紀淮堧
平蕪盡處渾無壁
遠樹梢頭便是天
今古戰場誰勝負
華夷陰要豈山川
六朝未可輕嘲謗
王謝諸賢不偶然

晚泊揚州

揚子橋西轉
絲航粉城如練是
維揚百年旧觀兵
戈後近歲新開草
木荒傑閣高臺雲
上出野梅官柳雪
中香史君領客週
遭看走馬歸船欲
夕陽

過高郵

解纜維揚欲夕陽過舟栗盎已晨光夾河漁屋都
編荻背日船篷尚滿霜城外城中四通水堤南堤
北萬垂楊一州斗大君休笑國士秦郎此故鄉

過甌社諸湖進退格東西長七十里南北

闊五十里

為愛淮中掌似平忽逢巨浸却心驚怪來万頃不
生浪凍合五湖都是冰碧玉湖寬容我到白銀地
滑沒人行茲游只道清無價清殺詩翁老不勝高
西北有新開甌社塘下五湖平阿七里張良味湖
又有姜里石田鵝兒白凡十一湖相連內有一灣

名子父灣
見圖經